

Il 5avel Top Pop Rumantsch

■ (cp) L'onn passà ha il Radio Rumantsch (RR) lantschà il project Top Pop Rumantsch cun la finamira da promover musica rumantscha actuala.

Quai è reussì cun las 4 producziuns da *Susanna Sabbadini*, dals Bulais, da *Simona Caminada* e da Siat. L'emprima producziun dal 2006 è ina cun ina vusch surmirana. A partir dad oz è la chanzun «Dus pass cun me», interpretada dad *Olivia Spinatsch*, d'udir exclusiv tar RR.

Finalmain èsi reussì: Il Radio Rumantsch ha chattà ina chantadura dal Surmeir per il 5avel Top Pop Rumantsch. Per Olivia Spinatsch n'è quai dentant betg l'emprima experientscha al microfon. Ella chanta cun ina grupp e lavura era sco moderatura d'in radio privat a Son Gagl. «Dus pass cun me» è ina chanzun cun tempra ed elements da hip hop che fa allusiun a gruppas sco Morcheeba e che cumplettescha la seria da Top Pop Rumantsch cun tuns novs.

Top Pop Rumantsch vegn era en l'avegnir ad esser in label per purschidas innovativas ed unicas en il program da musica da RR. Per l'onn 2006 èn ulteriuras 5 producziuns planisadas.



Olivia Spinatsch